

AKASHVANI AIZAWL

REGIONAL NEWS BULLETIN

Friday, September 12, 2025

HEADLINES (EVENING)

- 1. Union Railways Minister Ashwini Vaishnaw an naktuk atangin Mizoram in khawvel huap el pha inkalpawhna pawimawh tak a nei dawn a ti.
- 2. Political Party pathum- ZPM, MNF leh BJP Mizoram chuan State hmasawwna relin a lo thlen tur chu inlungual takin an lo hmuak tih vawiin khan thuchhuah intawm siamin an sawi.
- 3. C P Radhakrishnan chu vawiin khan Vice President 15-na atan lakluh a ni
- 4. Vawiin khan Chhatisgarh-ah Maoist hel pahnih security force ten an kaphlum.

<><><>

UNION RAILWAYS MINISTER

Union Railways Minister Ashwini Vaishnaw an naktuk atangin Mizoram chuan khawvel huap el pha inkalpawhna pawimawh tak a nei dawn a ti.

Vawiina Sairang Railway Station-a tlawhnaah Akashvani Aizawl zawhna chhangin, Union Railway Minister Ashwini Vaishnaw chuan Bairabi-Sairang rel kawng a hawn thar turah naktip atang rel pawimawh tak tak 3- nitin Sairang atanga Guwahati thleng tlan tur Mizoram Express, Kolkata atanga Aizawl inkara tlan tur rel leh Sairang atanga Delhi thlenga tlan tur Rajdhani Express te tlan tan tir a ni dawn a ti a, Hei bakah hian bungraw phur rel chu Pathianni atang khian tlan tir tan a ni dawn tih a sawi a ni.

Union Railways Minister chuan rel kawng siam hna chu a hautak hle tih sawiin, leiverh 45 leh lei lian tak tak 55 sak a ni a ti a, he rel kawng hawn tur hian Mizoram mipuite nun a thlakdanglam dawn a ni a ti a, kum 2014-a Prime Minister Narendra Modi-a'n thuneihna a chan hma kha chuan hmarchhak biala Railway project hnathawhna atan cheng vbc sang 2 chauh dan thin a ni a, Prime Minister Narendra Modi-a kaihhruai sorkar chuan a let 5 in a ti pung a ti a, Prime Minister Modi chuan Look East Policy ni thin chu Act East Policy ah thlakin, thu chauh ni lovin a takin hmarchhak bialah hmasawwna hna thawh a ni tawh a ti a, inkalpawhna atana pawimawh tak tak rel kawng, kawngpui, thlawhtheihna tum hmun bakah inbiakpawhna leh kawphetha te chu hmarchhak bialah chak takin a thawk chho mek tih a sawi baw a ni.

I&B Minister ni baw Pu Vaishnaw-a chuan Mizoram mawina hmu turin state pawn atangin awlsam takin a tlawh pawh theih tawh dawn a ti a, hei hian tualchhung mite sumdawwna leh hmasawwna a thlen dawn a, organic farming hnuai loneimite tharchhuah thlai leh thei bakah pangpar thlengin thawnehhuah turin hmalak a ni ang a ti a ni. Relkawngin Mizoram a chhun takah hian hriselna dinhmun a tih hmasawn bakah zirna hmasawwna a thlen dawn a, Mizoram chu hmun hla tak anga thlir a ni tawh dawnlo tih sawiin danglamna lian tak a thlen tih a sawi.

Union Minister hi naktukah Prime Minister Narendra Modi an Lammual atanga Sairang - Bairabi rel station a hawwna hunah a tel ve dawn a, Minister hi vawiin khan Lengpui airport ah Chief Minister Pu Lalduhoma, PWD Minister Pu Vanlalhlana, Education Minister Dr Vanlalhlana, Rajya Sabha MP Pu K. Vanlalvena, Lok Sabha MP Pu Richard Vanlalhmangaiha leh sawrkar mi pawimawh hrang hrang ten an lo hmuak a ni.

Corr: Isaac/Maremi

<><><>

PM VISIT SECURITY

Naktuka Prime Minister Pu Narendra Modi-a'n Aizawl Lammuala, Bairabi leh Sairang inkar rel kawng a hawn tur atan venhimna khauh tak kenkawh a ni dawn a, Aizawl Traffic thuneitute chuan Prime Minister chetvelna tibahlah lo turin Falkland atanga Sikulpuikawn inkara vei vak lo tur leh a pumpelh dan zawng turin mipuite a chah a ni.

Akashvani Aizawl zawhna chhangin Aizawl Traffic thuneitute chuan naktuka Prime Minister Narendra Modi lo kal tur atan hian vawiin khan Thuampui atanga Lammual inkarah trial run an nei a, mipuiten harsatna an tawh loh nan a dawn hnaih minute 10 ah chauh kawng an block a, traffic a ti jam nasa hle a, naktukah chuan zing dar 8 leh a chanve aia hmaah pawh kawng an block thei tih sawiin, mipui lirtheia vakte chu Prime Minister chetvelna tibahlah lo turin VVIP kalna tur kawng te pumpelh hram turin an chah tih a sawi.

Kawngpui dungah te hian naktuk Inrinni zing dar 8 leh a chanve atanga dar 11 leh a chanve chhungin a tul dan angin lirthei che vel khuahkhirh leh tih danglam chang a awm dawn a, lirthei veivak ten harsatna an tawh loh nan leh hun an sen thlawn loh nan lo inhmakhua a, pumpelh dan kawng zawng turin an ngen baw a ni.

<><><>

JT STATEMENT OF POLITICAL PARTIES

Political Party pathum- ZPM, MNF leh BJP Mizoram chuan thuchhuah intawm siamin, Sairang-Bairabi Railway Line naktuka Prime Minister Narendra Modi-an a rawn hawng tur chu Mizoram chanchina bung thar kaina tur a ni an ti a, Ramchung hmun dang nena rel in a thlunzawm chuan Mizoram thanzelna turah kawng hrang hrangin a pui dawn a ni an ti.

Mipui tan pawh hna hmuhna tur anih dawn bakah, zin veivah a awlsamin nasa takin a tlawm zawk dawn an ti a, sumdawnna kawng pawh zau tak a inhawng dawn a ni an ti.

He hmalakna chhinchhiahtlak tak a taka chantirtu Central sorkar, state sorkar leh relkawng phah hna thawktu te fakawm an tih thu hi ziahlanin awm ngei se an duh tih an sawi a, he hun chhinchhiahtlak tak hi Mizo mipuite ta a ni a, mipuite inhawnna, puihna leh phurna hian he hun hi a thlen a ni a ti.

State hmasawnna relin a lo thlen tur hi Party pathum te chuan inlungual takin an lo hmuak a ni tih an thuchhuahah chuan an tarlang bawk.

Corr: Maremi

<><><>

GST REFORMS

Sorkar laipuiin Goods and Services Tax (GST) a ti tlem chuan thil man leh khawsakphung a tihniam dawn a, mipui tan hmasawnna leh awlsamna a thlen dawn niin mithiamten an sawi.

Akashvani Aizawl zawhna chhangin, Govt. Aizawl College-a Political Science Assistant Professor Dr C.Lalengkima chuan tunhnaia sorkar laipuiin GST a siamthatna chu US-in sumdawnna kawnga India a hrekna lo doletna atana ruahmanna a ni a ti a, India atanga US-a bungraw thawnychhuah tam tak man an tih san tak avangin hralh rual a ni tawh lova, tualchhungah man tlawm zawka an hralh theih chuan mipui tam zawkin an lei thei ang a, chhiah a vir kual tam ang tih ngaihdan atanga lo chhuak niin a lang a ti a, sorkar chuan chhiah lak dan ennawnin, a tha ber tur a zawng ve zel tih sawiin, sorkarin GST a ti tlem chuan mipuite tan samkhaina tur leh awlsamna tam tak a thlen a, a neinung zawk leh sum neite tan chhiah an ti sang bawk chu thil tha tak nia a hriat thu sawiin, thil leitute chuan indirect in chhiah an pek thin avangin GST rate tihhniamna chuan thil man leh khawsakphung a tihniam dawn a ti a, thil man a tlawm chuan mipuiten thil lei an uar ang a, a siamchhuaktute pawh an hlawk dawn a, mipui tan hmasawnna leh awlsamna a thlen dawn a, sorkar laipuiin uluk taka a zirchian hnuah mipuite sawt tlanna tura a hmalakna a nih avangin hmasawnna tur leh hlawkpuina tur a awm ngei a rin thu a sawi a ni.

Dr C.Lalengkima chuan GST chu India rama chhiah lak dana bung thar kaina a ni tih sawiin, kum 2017 bawra GST dan an pass dawn khan sorkar laipui chuan India ram zalenna chan dawna August ni 14 zanlai inkhawm an neih ang deuh khan GST pawimawh tak pass tur hian zanlaiah inkhawm a neihpui a ti a, tunhma chuan chhiah lian zawng zawng chu sorkar laipuiin a lak vek thin avangin state sorkarin a chang ve ngai lova, GST-ah chuan state sorkar leh sorkar laipuiin chhiah an insem tak avangin abikin state tan hmasawnna nasa tak a keng a, ram ei leh barah tam takin a chhawk, ram mipuiten hma an sawnpui hle a ni a ti.

Corr: Maremi

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

VICE PRESIDENT

C P Radhakrishnan chuan vawiin khan Vice President 15-na atan lakluh a ni a. Rashtrapati Bhavan-a lakluh inkhawm buatsaihah President Droupadi chuan Vice President hi rinawmna thu tiam tirin a lalut a ni.

He hunah hian Prime Minister Narendra Modi, President hlui Ram Nath Kovind, Vice President hlui Jagdeep Dhankhar leh Union Minister Amit Shah, Rajnath Singh, J P Nadda, Piyush Goyal, leh Nitin Gadkari te an tel a. Vice President-a lakluh anih zawh hian C P Radhakrishnan hian Mahatma Gandhi hriatrengna hmun Rajghat ah pangpar a dah a ni.Prime Minister hlui Atal Bihari Vajpayee pualin Sadaiv Atal ah zahna a hlan bawk a ni.

Prime Minister Narendra Modia chuan Vice President thar C P Radhakrishnan chu duhsakna hlanin mipuite tana rawngbawltu tha tak ni turin a chah a ni.

(Newsonair)

<><><>

MAOIST

Vawiin khan Chhatisgarh-ah Maoist hel pahnih security force ten an kaphlum. THudawn danin Maoist helho leh security force te hi Bastar division chhunga Bijapur district ah an inkap a. Helai hmunah hian security force te hian an thudawn bawhzuiin Maoist ho dapchhuah beihpui an thlak a ni. Inkahna hmunah hian silai leh a mu an man tel bawk a ni.

(Newsonair)

<><><>

GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah titlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST tharah hian mipui nitin bungraw mamawhahte chhiah lak a ni tawh dawn lo a. Heng consumer goods hrang hrang Ultra-High-Temperature milk, ei tur siamsa a funa zawrh chite leh nitina mipuite ei ber buhfai,wheat leh dal ah te chhiah awl a ni tawh dawn a ni.Ramchhunga mi naranten he chhiah lak dan thar hi an lawm hle a. Delhi-a khawsa Nimish Jain chuan hunpui lo thleng tur nen sawrkar thutlukna chu lawmawm a tih thu a sawi.

(Newsonair)

<><><>